

伯士鎮在縣西十五里

安仁鎮在縣西二十里

雙泉鎮在縣西四十里

白家鎮在縣西北二十里

戈社寨在縣北四十里元末戈平章築以為保障之所

沔谷鎮在縣東北六十里以沔沔谷口而名一曰沔谷堡

三面陡絕其險足恃隆慶元年崩入黃河

苦泉石橋在西北四十五里

鐵牛渡在黃河上大慶禱所即唐鐵牛造橋處今浮梁廢

同州府志卷九 鄉鎮志

三

以舟楫濟水夫六十名協濟潼關風陵渡

洛河渡在縣東南十里趙渡鎮船五隻棹卒二十八舊每

冬作橋梁今不復修

渭河渡在縣南三十里南通華陰船五隻棹卒二十人

望仙渡在縣東南三十里接華陰界

備潦橋在縣東十五里

金龍渡舊在三河口自萬曆間河徙遂廢

邠陽縣

東蒙寨在縣東三十里東臨黃河三面深溝其上鑿井面

河作窰廣四十三畝九分高七丈

虎山寨在縣西南五十里高原深溝昔人避亂處也

護難寨在縣西北二十里四圍深溝昔遇兵亂賴此保障

青雲寨在東北三十里其寨陡峻高入雲表昔人避亂之

所

坊鎮在縣東二十里

王村鎮在縣東四十里

黑池鎮在縣東南四十里

路井鎮在縣西南四十里

同州府志卷九 鄉鎮志

四

甘井鎮在縣二十里

百良鎮在縣東微三十里

甘峪寨在縣西南五十里今廢為田

焦籬堡在縣東二十五里

夏陽鎮在縣東四十里金史地理志邠陽有夏陽鎮

韓莊市在縣南

念吉市在縣北

撫濟橋在縣東南二十五里跨河水上明萬曆十九年舉

人車樸勸募創建陝西巡撫葉夢熊助成之

廉莊渡在縣東五十里黃河上馬志通山西蒲州

茶峪渡在縣東四十里黃河上馬志通山西榮河

夏陽渡在縣東南四十里黃河上秦晉要津

澄城縣

寺頭鎮在縣東南四十里明嘉靖二十五年築城保聚名

曰遵義堡

業善鎮在縣東南五十里

章莊鎮在縣南五十里

交道鎮在縣西二十里

同州府志卷九

鄉鎮志

五

岳頭鎮在縣西二十里嘉靖二十五年築名曰長潤堡

王莊鎮在縣西北二十七里名曰太平堡明嘉靖丙午知

縣徐效賢奉都察院謝蘭檄委創築遵義長潤太平三

堡城

馮原鎮在縣西北五十里

塔冢鎮在縣北三十里

親鄰寨在縣北二十里元末李思齊築為屯守處今廢

良輔鎮在縣北五十里宋鎮也張舜民畫墁錄同州北境

良輔鎮即唐魏鄭公莊也

馬頭鎮在縣西北五十里晉荀苻登載記晉太元十六年

荀曜有眾萬人密應登登去曲牢繁川次於馬頭原通

鑑胡註馬頭原之地在長安東

撲地河橋在縣東二十里跨太谷河

馬村橋在縣東二十里跨太谷河

陸峒橋在縣西十里澍水上

商莊河小橋在縣西二十里為岳頭鎮東西往來要津崇

禎時善士李世昌創建

天險橋在縣西北八十里天險門俗名空子橋嘉靖丙午

同州府志卷九

鄉鎮志

六

知縣徐效賢創築匾曰天險

洛河渡在縣西二十里通蒲城路

胡家寨在縣東十三里內有洞通黃河相傳元末胡將軍

嘗屯兵於此縣志即周原堡三面陡絕東臨大河高數

百尺號為天塹

神道嶺城在縣西北一百二十里界西延二府居萬山中

順治十二年築城柳溝設遊擊營鎮之高辛傳請設防

兵疏黃龍山迤東神道嶺係延鄜平慶孔道南通澄白

韓郃等處北通鄜州宜洛等處四達之衝衛盜賊之巢

穴明季流寇盤踞實始於此府志神道嶺南自范家堰北至孟家嘴計五十里皆巖山峻嶺道路崎嶇乾隆二年遊擊戴奕熊韓城令朱一蜚宜川令劉國泰等捐募倡修歷三載路得平坦又建關帝廟兼施茶湯行人便之

芝川鎮在縣南二十里雍勝略芝川在韓城縣南其地有鎮韓邦奇修鎮記嘉靖二十二年虜掠太原欲入陝芝川鎮東與河距邑令全文築城浚隍以遏其衝沿河置墩臺以便瞭望張士佩修城樓記隆慶丁卯邑令馬春

同州府志卷九

鄉鎮志

七

芳增修己巳復修城門樓稱雄鎮焉

薛峰鎮在縣西四十里

咎村鎮在縣東北二十里

龍門關在龍門渡左北周書高祖本紀天和五年齊斛力

明月築城自華谷至於龍門通典古韓國有龍門即禹

導河至於龍門是也魚集龍門上即為龍又有龍門關

地理通釋龍門戍在縣東北後周於此置龍門關寰宇

記龍門關西魏大統元年置在龍門山下

天成堡在縣西南四十里基址尙存

春城堡在縣西七十里今廢

冰橋在縣東北禹門處每歲大雪時合驚蟄時解時日不差龍門斷岸危狹河冰蔽天而下至此山立若有神驅之者頃結成橋車馬負擔行同陸路其始合俟夜有狐跡乃可渡解則渙然無迹其結其解皆以夜故行者無虞宋建炎元年金人分道入寇官軍扼於河乃自韓城履冰渡即此

龍門橋在縣北六十里渚北村西前限鴻溝羊腸崎嶇行者苦之萬歷丙申衛守業衛天道衛鴻臚嗣康創長橋

同州府志卷九

鄉鎮志

八

以濟之於石砌上增一輒為眼一表八十丈廣二丈高五十尺有記

濠水橋在縣城南門外跨濠水康熙癸未邑人巡撫劉蔭

樞造越三年始成爲孔七上砌石欄橋頭建大坊祠廟

各一自譔碑

陳邨橋在縣南十里陳邨堰渠本濠水來石砌高一丈五

尺長六丈闊一丈二尺嘉靖八年建

西少梁橋在縣南五十里少梁里東南衆流入濠濠淋病

涉隆慶戊辰道人張崇義募建石橋長三丈闊一丈三

尺高八尺成於隆慶戊辰以少梁名有記

南溪橋在縣南五里北蘇邨南跨澗水石砌高二丈長一丈五尺闊一丈五尺有記

呂莊橋在縣南二十里呂莊邨東本芝水來

芝陽橋在縣南二十里芝川鎮南門外跨芝川上順治已

亥縣令張斗宿倡建庚子水漲橋圯斗宿捐貲重建至

康熙甲辰始成石砌石柱上搭長木長三十五步闊九

尺高一丈二尺張鼎銓撰碑

飛虹橋在縣北二十里郭莊邨西南跨清水河上陳國英

同州府志卷九 鄉鎮志

九

國楨建

永濟橋在縣西八里跨竹園邨趙家堰渠本濠水來高四

丈

龍門渡在縣東北六十里北周書高祖本紀天和六年周

宇文憲自龍門渡河唐書高祖本紀義熙元年高祖次

龍門祀河乃濟

漁村渡在縣東十里黃河津濟處

謝村渡在縣東二十里黃河津濟處

少梁渡在縣東南二十里史記韓信列傳魏王豹盛兵灌

坂塞臨晉信乃益為疑兵陳船欲渡臨晉而伏兵從夏

陽以木瞿飯渡軍正義曰臨晉同州東朝邑界夏陽同

州北渭南界元和郡國志韓城漢為夏陽縣地有少梁

故址

華州

青岡坪在州西南七十五里馮奕昌青岡坪汎括地千畝

為州境要隘其西南百里可通曉關東南可通武關荆

楚往來行人絡繹順治初山孽盤互幾成絕徑十二年

立木城撥潼關營把總汎防於此今有防兵按舊志

同州府志卷九 鄉鎮志

十

國初道路未通山孽伏莽於順治乙未設汎後時平寇

靖西水路由商之龍駒寨東陸路由河南之內鄉鄧州北

成絕徑又無居人汎已撤

羅紋鎮在州東五里水旋轉如羅紋因名通鑑梁貞明六

年劉鄩圍同州晉救之鄩敗退保羅紋寨

柳子鎮在州東二十里

臺頭鎮在州東四十里與華陰縣接界

瓜坡鎮在州西南二十里

大明鎮在州西南二十五里

高唐鎮在州西南三十里

江村鎮在州西南三十五里

赤水鎮在州西二十五里赤水東交渭南界金史地理志

華州鄭縣赤水鎮九域志華鄭縣有赤水鎮

小漲鎮在州西北十五里

大漲鎮在州西北二十里

王宿鎮在州東北二十里

周關杜實村記在聖山南秦家莊關為馬處所建

少華鎮在州南少華降下為入關之道今廢

同州府志卷九 州鎮志

十二

太平橋在州東二里跨潭峪水上州志華北五里有唐村

村北昔有大雲橋後更為太平橋馬志傳陳希夷至此

聞宋太祖即位有天下太平之語因名按通鑑胡註大

雲橋在華州大雲寺前武后令天下諸州各置大雲寺

藏大雲經遂因寺名橋今太平橋或即其遺跡歟

羅紋橋在州東五里羅紋鎮白石峪水流其下

東石橋在州東二十里跨構峪水上水經註沈水經鄭城

東水有故石梁述征記鄭城東四十里各有石梁

小石橋在西城外受石隄峪石溪諸水昔有樅無梁諸生

李明達等砌石為橋

西石橋在州西十里跨石橋舖河水經注西石橋水北逕

鄭城西水上有橋橋雖崩穢舊跡猶存賈志赤隄峪石

隄峪二水流其下

遇仙橋在州西二十里跨喬谷水上傳陳希夷先生入華

山過此後人思之名其里并名其橋俗傳寇萊公少時

遇仙人於此

白公橋在州西灌水上昔無梁順治庚子諸生姚中傑等

創費不給中丞白如梅捐千金成於康熙丁未因名

同州府志卷九 州鎮志

十三

大漲渡在州西二十里渭水上

小漲渡在州西十五里渭水上

王李渡在州北十里渭水上按西安志作王李渡

萊公橋在州北王李渡之南橋以渡渭為往來萊公葺因

名後渭北流橋為水所沒

華陰縣

寶谷口在縣西南十五里環抱如甕為商洛徑

華嶽鎮在縣東三里

泉店鎮在縣東二十里

敷水鎮在縣西三十里金史地理志華陰鎮二關西敷水
九域志華陰縣有敷水鎮

渭橋關在縣東唐書地理志華陰縣有渭津關

關西鎮在縣東以在潼關西故名九域志華陰有關西鎮

久廢

東平橋在縣東門外

駐馬橋在縣西門外跨長澗水華山之秀過者皆攬轡駐

望因名縣志橋舊五孔前令馮嘉會增為七孔因水倒

壞乾隆四年重修

同州府志卷九 鄉鎮志

三

長城橋在縣西十三里跨黃酸水上邑人趙剛捐貲重修

水經注渭水又東逕長城北史記秦孝公元年楚魏與

秦接魏築長城自鄭濱洛是也

頁橋在縣西二十五里跨黃酸水上

由文橋在縣北跨大澗水上

望仙橋在縣東北二十里

落村渡在縣西北三十里渭水上

東柵渡在縣北二十里渭水上

上村渡在縣北二十里渭水上

寺南渡在縣東北二十五里渭水上

吊橋在縣東十五里沙渠水上今廢

嶽鎮橋自小浦來暴雨患今頽

羅敷橋在敷水鎮西今頽

園林渡在縣西二十里渭水上

蒲城縣

曹村堡在縣東四十里洛水西岸土人名曰古城距舊重

泉正東北六十里

避難堡在縣東北六十里澄城縣界

同州府志卷九 鄉鎮志

十四

常樂堡在縣東四十里

漢帝鎮宋敏求長安志在縣東南一十八里縣志作漢底

車渡鎮在縣東南四十里通鑑梁乾化元年李茂貞遣溫

緝寇長安梁兵擊緝於車渡走之長安志車渡鎮在縣

東南五十里

晉城鎮在縣東南四十里舊傳晉公子重耳出亡於蒲所

築或又以秦孟明敗後晉建城為屯守拒穆公也

石表鎮在縣南三十里

孝同鎮在縣南四十里

渭源鎮在縣南五十里

賈曲鎮在縣西南十五里即古賈國取漫源一曲得名

荆姚鎮在縣西南四十里長安志縣有荆姚鎮金史地理

志蒲城鎮一名荆姚

興市鎮在縣西二十五里

蘇坊鎮在縣西三十五里

武店鎮在縣西四十五里

高陽鎮在縣西北四十里今興市孝同晉城高陽四鎮堡

垣雖圮猶可增葺以為保障荆姚常樂車渡漢底雖鎮

同州府志卷九 鄉鎮志

十一

大無堡城

龍陽鎮在縣南三十里

晉穆公寨長安志在沮水東岸相去五里

白起寨長安志在縣東北三十里

晉公子虛糧寨長安志在縣東北六十五里沮水西岸虛

糧史傳無聞

李潤堡寰宇記在奉先縣東北五里通鑑晉太元十年魏

褐飛攻姚漢得於李潤李延壽註馮翊東有李潤鎮

野人堡在縣西北晉書苻登載記晉太元十二年苻登將

將竇衝叛登攻衝於野人堡按晉書登攻衝姚興攻胡

空堡以救之登盡寰而東攻屠各姚奴帛蒲二堡克之

又登據曲牢苟曜據逆方堡密應登數堡俱應在京兆

近地今皆不可考

蔡鄧渡在縣東北六十里洛水上通澄城官渡

永豐渡在縣東北六十里永豐里洛水岸通澄地

武堡渡在縣東四十五里洛水上通同州

溫湯渡在縣東五十里洛崖通同州

常樂渡在縣東南四十里洛水上通同州

同州府志卷九 鄉鎮志

十二

車渡鎮在縣東南三十五里洛水上通同州

晉王渡在縣東南三十里晉王灘洛北崖通同州

晉城渡在縣東南四十里洛水上通同州官渡

白水縣

彭衙堡在縣東北六十里杜甫詩注夜深彭衙道月照杓

水山元和志春秋秦晉戰於彭衙是也寰宇記彭衙故

城在白水縣東北六十里縣志明正德七年洛川妖賊

邵進祿等由黃龍山進據白水彭衙堡兵備張禴討走

之

馮雷鎮在縣東十里

西故鎮在縣東二十里

南河鎮在縣南五里

雷村鎮在縣東南三十里

新村鎮在縣東南五十里舊名新民堡

新窯鎮在縣西北三十里

鐵牛鎮在縣西北四十里

雷衙鎮在縣東北二十里

武莊鎮在縣東北六十里

同州府志卷九 鄉鎮志

孔走鎮在縣東北六十里交澄城界

暗門關在縣北今廢

秦山堡在縣西北五十里今廢縣志按其地為北出郵延

必由之路路甚窄狹嘉靖十一年設巡檢司今裁

東陽橋在縣東五里跨東陽溝上

漆水橋在縣南五里跨白水上澗設潦撒俗訛白水為漆

水故名

平政橋在縣東三里跨白水上知縣莊鑄建

聖女橋在縣東南三十里相傳三神女一夜成之今有廟

存

張家船在縣東北三十里洛水上通洛川

麻地灣渡在縣東北三十里洛水上

馬家船在縣東北三十里洛水上通洛川

齊家筏在縣東三十五里

懷溝船在縣東三十里今廢

潼關廳

潼關地理通釋在華陰縣東北三十九里今衛改縣在潼

關縣治古桃林塞也左傳註晉侯使詹嘉處瑕守桃林

同州府志卷九 鄉鎮志

之塞杜預曰桃林塞潼關是也水經注河在關內南流

潼激關山因謂之潼關灌水經通谷述征記所謂潼谷

水或說因水以名地也西征賦遡黃河以濟潼河水自

潼關東北流水側有長坂謂之黃卷坂涉此以升潼關

元和郡國志先名衝關後以關西一里有潼水因以名

雍錄唐潼關在太華山之北長安東二百八十里柳宗

元館驛使記自萬年至於渭南其驛六其蔽曰華州其

關潼關通鑑胡註史記正義桃林塞今華州潼關師古

曰取河華之固為阨塞耳非桃林也通典秦函谷關在

今靈寶縣界漢武帝徙於新安縣界按漢獻帝初平元年董卓脇帝西幸入函谷關是初平以前立關尙在新安也至建安十六年曹公破馬超於潼關卽是中間移於今所後周文帝破東魏軍殺大將竇泰於此其潼關者因水立稱隋大業七年移於南北鎮城間坑獸檻谷置去舊關西里餘唐天授二年移向北近河爲路開元十三年於華州嶽祠南之通衢立碑御製文及御書舊路在嶽祠北因是移於嶽祠南雍勝略潼關歷代皆爲要地唐立關北屬山西蒲州東南屬河南閩鄉縣衛

同州府志卷十九

鄉鎮志

五

志自天授二年移近黃河是爲今地秦嶺南峙太華西聳東南有禁峪之險設十二連城以防秦嶺諸峪北有洛渭會黃河抱關而下宋天聖二年設備潼關明設守禦今因之

古城關在城東南四里卽隋大業所遷關地自此至西峪

俱有烽臺

寺角營關在城東南十五里

車峪關在城東南三十里

西峪關在城東南四十里

石門關在城南二里

禁峪關在城南十里谷勢壁立望者禁足通鑑胡註魏宇文泰至小關小關在潼關之左唐時謂之禁峪關左有峪平日禁人往來謂之禁坑黃巢入寇張承範忘守此峪賊遂由此陷潼關

巡底關在城南十里

溝西關在城南十五里

漢井關在城南二十里

五莊關在城南二十五里

同州府志卷十九

鄉鎮志

三

麻峪關在城南三十里

水門關在城南三十里

太峪關在城南三十里

潼峪關在城南三十里水經注所謂潼峪水潼關以此名

潼峪口有防兵

上關在城南三十里

南渡關在城西十里

永樂關在城東北四十里有永樂鎮渡按自古城以下十

六關基址俱存而防守城堡墩臺久廢

風陵關地理通釋唐志河東縣南聖歷元年置按在今風

陵渡又城東有姚讚屯南有暗門隘姚贊屯俱廢

潼津橋明一統志在潼關城中因水出潼峪為名衛志兵

憲張開行建一名石橋潼水貫城自南且北以石甃橋

為川陝晉豫通衢九邊要地康熙庚申大水橋壞參議

孔興鈞捐修有序賈志副使狄敬重修易名潼橋

通津橋在城東門外原望溝上

楊家橋在城西門外楊家河上

清河橋在城西北二十里大司馬王之臣建

同州府志卷九 鄉鎮志

注

風陵渡在城東門外黃河上北岸有女媧墓或曰風后墓

故曰風陵地理通釋魏太祖征馬超自潼關北渡即其

處馬志路通蒲州府志秦省現有官船二隻雇民夫撐

篙而晉省額設官船九隻風陵渡水夫二十四名大慶

關協濟風陵渡水夫六十名雍正六年奉部撥歸潼關

縣支領工食共船十一隻水夫八十四名在黃河渡口

接濟又於雍正六年兩省移咨定議如遇大差官船不

敷兩省各半調船協濟乾隆四年知府張奎祥請裁永

樂鎮巡檢司將永樂渡船一隻水夫六名歸併風陵渡

巡檢司管理道光二十九年同知凌樹棠以水夫惡索

為行旅害並利多載致遭沈沒因勒捐置救生船二隻

並立救生局於河岸詳請立案以垂永久今錄其詳文

規條附於後以備稽考

潼關廳境濱黃河設有風陵渡巡檢專管渡船十二隻以應差使以便行人遇有水夫訛索留難為行旅害及貪利裝載多人致遭風濤沈沒者凡有地方之責及專司渡口之員本當隨時整飭而若輩小人趨利若鶩耳目所不及到之處即獎賞叢生雖設法嚴刑勢難禁止卑職自上任以來二十一年惟察潼關深知此弊有犯必懲較之一味姑容不加懲創者雖稍為敘述而旋懲旋犯弊端總未能除洎二十八年卑職升任潼關同知履任後接見紳耆問民疾苦僉以渡夫訛索留難為行旅害且貪載多人以致遭風沈沒者亦所不免卑職當即

同州府志卷九 鄉鎮志

注

轉白該紳耆等悉心延訪僉稱除嚴刑懲治之外別無良法卑職再以前目之所不能到即為刑法之所不能加若寄耳目於胥役則多一巡查之人即多一訛索之累商之紳耆該紳耆等亦覺以卑職之言為近理而欲思所以匡救未育方也客夏因勸捐修理文廟與該紳耆等朝文討論以南省有救生船之設黃河水性與大江迥殊其何機船隻最為靈便穩妥可否仿照辦理且渡船因何易致沈沒再四諸訪僉以渡船無舵無蓬船身既寬且淺便於裝載車輛而任重則易沈若欲救生利濟莫若梭式遠船有舵有蓬最為便捷且船面不寬任重可至萬斤載人不過三十內外可期萬無一失而且便於救生商之商民皆以為便業道憲率同卑職首先倡捐復揀派公正首事候選訓導孫星彩監生何希仲職員徐福臻王憲臣孫崇儉及明白曉事之商民等在卑職境內勸捐至二十九年冬月共捐制錢四千一百餘串製造成生遂船二隻於十一月二十日下河所有救生船隻即於十二號官船水夫內揀選技藝精熟者每船六人管駕即於渡口設立救生局擇公正首

事專司其事現在來往行人願以爲便所有捐項除製
造船隻之外計餘制錢三千串即交該首事之殷實儲
戶自三十年正月起八釐生息以爲水夫工食及救生
船賞稿俟捐續有增添再行隨時添造船隻併將捐項
稟明發商生息外現據該首事等以局內條規已定行
旅聞之無不踴躍樂輸以成善舉若不稟請各憲批示
立案捐輸誠恐日久弊生向不無遲疑觀望等語稟懇
前來理合俯順輿情謹將救生局條規上呈
一救生船水夫但求技藝精熟原不必定在官水夫內
揀選而官水夫例給工食無多支應差使錢無貽墊若
另招水夫是救生船與官船一分界限即起爭利之端
官水夫內挑選或由官水夫頭具保如救生船水夫及
官水夫有訛索留難等弊一經督局首事查明即將訛
索之水夫及原保之水夫頭一併稟請更換則救生局
首事有牽制官水夫之權就近稽查勸戒較之添派官
役稽查免滋弊竇矣

同州府志卷九 鄉鎮志 垂

一救生船水夫每名歲給工食十千官水夫亦有例給
工食原不准需索行人然過往客商憫其微勞量給酒
資亦情理所當然非此亦不足以資養餽而昭體卹
應請照前道憲所立費章錢數辦理毋許多索留難致
干嚴

一救生局捐戶執有救生局收條執照者即係有功於
局之人無論救生船與官船應即送渡毋得再索分文
如違重處其有客商念其微勞願自給賞者
不在禁例

一官船每隻裝載例不准過五十人救生船應不准過
三十人然官船船面過寬其裝載多人致遭沈沒者因
由於水夫貪利亦由於該客商等貪路忘危雖人載已
滿猶欲搶船早渡嗣後遇渡船裝載時該局首事務宜
隨時查禁水夫不准多載其不知自愛之行人
該首事亦當隨時勸止使知儆懼而免沈淪
一救生局添設小樓一座以便眺望該首事隨時留心
瞭望其有對岸裝載及在河中停泊勒索錢文不即放

行者一經瞭見先在樓上鳴鑼催渡如抗不速渡不論
官船救生船即將該水夫送官究處毋得瞻向致干併
究

一每遇風浪過大盛漲之時應在局內懸禁渡旗一面
有違令送渡者立即送案嚴究

一遇狂風盛漲即將救生船棧緘河中以便救應上游
失事船隻其救生賞稿及棧木一切之費現在生息經
費不能敷用應由地方官及在局首事隨時酌量捐辦
俟捐項續有增多再行妥議條規由該首事稟請通詳
立案

一現在首事非殷實舖戶即公正寒士皆不能在救生
局常川照料現已揀派公正首事附生李煥嵩司局事
在局居住議定每年在生息項下按月支錢四千以爲
月費如有怠惰瞻徇准衆首事稟請更換
一局內住持喬姓經理局內器具及零星事件亦應每
月給錢一千以爲月費

同州府志卷九 鄉鎮志 垂

一所有捐項皆係民捐民辦不經胥吏之手該首事等
因現在捐項僅止三千串暫在廳城殷實舖戶生息俟
捐項續增稟請批示隨時准其
發商生息以昭慎重而免侵挪

同州府志卷二十

古蹟志

人與代驅地隨時變黃圖決錄徒嗤荒誕西河以西
陳迹烟蔓疑似舊聞待茲條辨述古蹟志第八

地理家書於古蹟最多附會其有沿誤已久容易辨正者
亦往往雷同而不能辨如大荔朝邑之沙苑應是三代以
上雍州之浸也

禹貢又東過漆沮孔傳漆沮一水名亦曰洛水正義洛水一
名漆沮

同州府志卷二十 古蹟志

詩小雅瞻彼洛矣毛傳洛宗周之浸也

周禮職方氏雍州其浸渭洛鄭注浸可以為陂灌溉者

水經注渭水又東過華陰縣北洛水入焉關關以為漆
沮之水也

元和郡縣志沙苑一名沙阜後魏大統三年周太祖與
高歡戰於沙阜大破之其時太祖兵少隱伏於沙草之

中以奇勝之後於兵立之處人栽一樹以表其功今樹
往往猶存

大平寰宇記唐置沙苑監在馮翊朝邑兩縣界唐末廢

周顯德二年於沙苑內牧馬在州南二十里

大荔縣志沙苑在縣南洛渭之間亦曰沙海沙澤其中

全起者曰沙阜東跨朝邑西至渭南南連華州廣八十

里袤三之二其沙隨風流徙不可耕植自隋唐至宋作

牧地置監養馬天聖後陝西用兵假地為營田未幾復

歸大觀元年以尚書省議給地牧馬罷監其畧曰沙苑

最號多馬然占牧田九千餘頃芻粟官曹歲費緡錢四

十餘萬而牧馬止得六千至元符間亡失者三千九百

且馬不調習中用以九千頃之田四十萬緡之費養馬

同州府志卷二十 古蹟志

而不適於用又亡失如此利害灼然今以九千頃田計

其磯瘠三分之二猶得良田六千頃五十緡以一頃募

一馬則人得此利馬得所養可以紹述先帝隱兵於農

之意三年復置明初為郭駙馬草地隆慶間有司議加

賦百姓控於朝得免近時居民交牧其中多樹果蔬佳

於他產

按禹貢之漆沮即詩小雅與周禮職方氏之洛水其

為雍州浸者說文云浸川澤所仰以溉灌者也川流

或竭澤水本希藉浸水亭蓄者多可以灌注之揚州

之浸曰五湖可知浸為亭蓄之名矣洛水至大荔縣

西北始出山而就平地古道本正南行入渭渭水流

濁勢勁壅過洛水故洛水漲漫而為浸經曰其浸渭

洛是浸在洛渭交會之地也洛渭上游均在山至戰

國時秦人墾洛水道東移於是舊成浸處漸為沙海

而兩漢之世尚無沙苑之名者是時水多沙少未成

平陸故聞焉久之水涸而成沙阜鄠道元當北魏

時其注水經曰洛水東逕沙阜北其阜東西八十里

南北三十里俗名之曰沙苑今本水經注無洛水字

同州府志卷二十 古蹟志

三

文泰以其地宜六畜置監豢養牛羊諸畜隋唐用以

牧馬其為水草豐美之地明矣如非宗周之浸焉得

如許之沙哉

郃陽縣之莘國城乃文王后妃太妣之母家而非伊尹所

耕之莘野

大雅續女維莘毛傳莘太妣國

世本莘姓妣禹後

水經注河水逕郃陽城東故有莘邑為太妣之國詩云

在郃之陽又曰續女維莘此謂也

括地志古莘國城在河西縣二十里

讀史方輿紀要莘城在縣南二十里古莘國伊尹耕於

有莘之野

郃陽縣志古有莘氏國即今之郃陽也唐堯時鯀娶有

莘氏女而夏啓以莘封支子殷初伊尹耕於其野後為

周太妣所生國

四書釋地卞州陳留縣古莘國地計其去湯都南毫不

過四百里所以湯使可三往聘若太妣所產之莘國則

在今西安府郃陽縣南二十里道遙遠矣

同州府志卷二十 古蹟志

四

按方輿紀要郃陽縣志皆誤也古時名莘之地見于

各書者皆不同處如大戴記帝繫篇云鯀娶有莘氏

之女謂之女志氏漢書古今人表女志鯀妃有嫫氏

女此唐虞以前之莘未知所在而郃陽舊志直以郃

陽之莘當之非也列女傳云湯妃有嫫者有嫫氏之

女也又太妣者武王之母禹後有嫫妣氏之女于太

妣別之曰禹後妣氏于湯妃則但曰有嫫氏是湯妃

非妣氏之莘太妣乃禹後之莘異地同名並非同姓

之國而郃陽舊志直謂湯之所娶者亦即此地又非

也左傳名莘之地有五桓十六年傳云宣姜與朔構
急子使諸齊使盜待諸莘在今山東莘縣境莊十年
荆敗秦師于莘在今河南汝陽縣境莊三十年有神
降于莘在今河南廬氏縣境僖二十八年晉侯登有
莘之墟在今河南陳留縣境成二年師從齊師于莘
以靡笄華不注推之當在今山東歷城縣境不得以
其同名而概以一地當之也伊尹耕于有莘之野自
是陳留之莘與郟陽無涉

洽陽合陽郟陽之相通假尤不可不疏通證明

同州府志卷二十 古蹟志

五

郟陽縣志按水經注則洽似卽郟陽故城南漢水但於
洽之名義無涉且昔人專以洽名南漢水而其餘漢水
俱無洽之名焉不可解矣況漢水未嘗絕流不得如詩
傳所云今流已絕也洽陽記畧謂洽水在莘里村西同
源而分流一出南澗一出北澗至村西合焉東逕河水
橋又東逕子夏洞北東注于河流絕後明時復出灌田
數百畝至 國朝康熙三十年崖崩歷之今餘流猶至
橋下而田賦上上似與水經注異又謂水經南去二水
各數里之二水卽南澗北澗二水則於水經注文義自

碍又謂以漢水爲洽水者謬則又與水經注城南漢水
卽洽水之說左矣然所謂分流合流者于洽名義爲得
許氏兄弟生長洽陽留心洽之源流頗久故并及之以
俟考 又按秦始皇二十六年分天下爲三十六郡正
義曰以監縣也通省志秦郡縣考內史縣邑五十六有
合陽邑是秦列天下爲郡縣時洽流尙未絕故以洽爲
合其義相通也郟陽之郟從邑始見于漢書地理志則
朱子詩傳所謂洽絕而去水加邑者當在秦漢之間矣
前乎此書者多作合陽不作郟陽後乎此書者皆作郟

同州府志卷二十 古蹟志

六

陽不作洽陽故應邵曰在郟水之陽師古曰卽詩在洽
之陽也新志謂漢初洽未嘗絕便謂之郟陽竟呼洽水
爲郟水不但郟字從邑爲水名於古人制字之六義不
符且漢初洽未嘗絕之說何所據乎至謂說文洽只有
狎音霑也並無合音亦無水名之說不參考他書而獨
據說文偏矣又引長箋謂石經以郟作洽非是且謂唐
人誤以郟爲洽乃去邑加水未嘗有洽絕去水加邑爲
郟之說合按康熙字典洽字引集韻云音閣水名亦作
郟而于郟字音合又云詩大雅在郟之陽本作洽正字

通亦云郃陽之郃本作洽獨說文于大雅洽字作郃或亦偶有所本而新志專主之故其說多異于朱傳然皆朱傳所不據者無勞牽強也

按郃字始見於爾雅

釋詁故郃蓋翕仇偶匹會合也

其為地名始見於漢書

地理志左馮翊郃陽注應劭曰在郃水之陽也

而史記則作合

魏世家文侯十七年築合陽

同州府志卷二十 古蹟志

七

合本水名見于詩大雅亦作洽

大明在洽之陽毛傳洽水名

說文引詩作郃

邑部左馮翊郃陽縣从邑郃聲詩曰在郃之陽

水經注亦作郃而指為城南之漢水

水經注河水又逕郃陽城東周威烈王之十七年

魏文侯伐秦至鄭還築汾陰郃陽即此城也故

有莘邑矣為太姒之國詩云在郃之陽在渭之

涘又曰纘女維莘長子維行謂此也城北有漢

水南去二水各數里其水東逕其城內東入于

河又于城內側中有漢水東南出城注于河城

內又有漢水東流注于河水南猶有父母廟廟

前有碑去城十五里水即郃水也縣取名焉故

應劭曰在郃水之陽也

朱子不知何據謂洽流已絕而後去水加邑

詩傳洽水在今同州郃陽縣今流已絕故去水加

邑

撰郃陽志者遂專據朱子之說設為數難以分別郃

同州府志卷二十 古蹟志

八

字洽字之義要於字義水名皆無當也茲故詳辨而

折衷之

釋郃一

郃字見於爾雅是周代舊有此字非秦漢時新制之

字也爾雅以郃故翕蓋同詁為合是合陽之作郃陽

乃同聲同義通假之字即作故陽蓋陽翕陽皆無不

可並非作合陽一義作郃陽又一義也郃字于說文

雖在邑部而其聲從合合字生從人又生為合人部

合字解云合也从人合聲毛詩則通作洽如洽比其

隣民之洽矣以洽百禮鄭箋皆云洽合也其實論經文之意則洽比民洽洽禮均應作恰其作洽者通假之例猶洽之作郃也說文引詩曰在郃之陽唐石經作在洽之陽二字原是一字若以郃洽恰之本字而論仍只一合字而已說文水部洽字解云霑也从水合聲此因合字加水旁而別作一義雖不言水名而亦可作水名用有水旁之洽字爲水名與用無水旁之合字郃字爲水名其義一也六書通假之例固如此也

段氏說文解字注今詩作洽者後人意加水旁許氏詩作郃者後人所改其說恐未然三

同州府志卷二十 古蹟志

九

字既相通則不合字從入字得聲入讀若集合讀若拘作何字皆可

協飲口呼亦近入詩民之洽矣左傳引作民之協矣是協乃合字之本音廣韻入字在二十六緝其二十七合則作虞閣切二十九洽則作侯狹切皆後世之變音也因其聲之變而遂疑其義之殊至謂說文爲不可據而專主朱子詩傳之誤說由於不通古訓也

釋郃二

郃之爲水名明矣其所以名郃之故經傳未之詳後世不可得而究也穿鑿附會以究之於是謂說文引

詩不應作郃於是謂洽流既絕去水加邑於是謂水經注單指一漢不涉洽義於是謂洽字音閣郃字音合於是別造一洽水謂同源分流既流復合蓋皆從合字之義嚮壁虛造而不思天下合流之水不可勝數何以他水之互入者不名郃獨此水名郃水名郃必當合流耶山川之名多無義可尋卽如潯澗渭孰得而究其命名之故使必就其字之偏旁而一一解之不幾如坡爲土之皮滑爲水之骨耶水經注曰城北有漢東入河城內側中有漢東注河城南又有

同州府志卷二十 古蹟志

十

漢水卽郃水也縣取名焉東流注于河明明三漢而獨指城南一漢爲古之郃水不以郃水之名被諸城內城北之二漢豈善長不解洽字郃字之義不慮後人之疑其非合流耶水經注爲地理家專門之書所見古圖經甚夥非後世方志之杜撰者比圖經所傳必郃水之名專屬城南一漢而後善長能切指之是洽郃之字義雖爲合而水之取名並不關乎其流之合不合也縱使以合流爲義亦必成周之初三漢皆會于城南當時有郃之名詩人因有郃陽之詠後世

川渠狀改分流入河而城南一漢舊名尙沿酈氏據北魏時水道各指其實而述之其古時合流之跡久已不可復尋也況乎以三千年以後之水道疑三千年以上之水名吾知其說愈多而支離愈甚矣

釋郃三

夫欲就郃水之名以求名郃之義則惟有就漢水求之漢之名見于爾雅與肥水連文釋水曰歸異出同流肥漢大出尾下漢與肥一聲之轉而分言之者肥言其源流之分合漢言其出口之沸涌也泉無論正

同州府志卷二十

古蹟志

十一

出仄出獨出眾出其噴口不大而有異出同流之形則皆以肥名之若底源潛通噴口甚大則不論其歸流之同異而但據其所出之形名之曰漢肥而不漢者謂之肥漢而兼肥者亦謂之漢如河南輝縣之百泉卽衛詩所詠之肥泉也眾泉分出下流會爲一水合于爾雅之所謂異出同流者特非尾下大出故名爲肥不名爲漢江南合肥縣之肥水出于良餘山東流注江其分出之施水北流注淮而施水又分枝津東流與肥水合因名其地爲合肥此出同歸異又異

出同流合于爾雅之文而泉非大出故亦名爲肥不名爲漢列子湯問篇曰壺領山頂有口狀若員環有水涌出名曰神漢一源分爲四夫一源分四是出同歸異應于爾雅之所謂肥者矣然據其大出尾下之形則但謂之漢不謂之肥其實漢亦肥也以大出尾下爲主故畧其出同歸異也爾雅先言歸異出同流肥卽接之曰漢大出尾下分爲二實合爲一故水經注引呂忱曰爾雅異出同流爲漢水夫呂忱所見之爾雅豈有別本乃以異出同流之支標爲爾雅之言

同州府志卷二十

古蹟志

十三

漢不標爲爾雅之言肥蓋漢與肥一聲之轉所殊者大出尾下耳大出謂漢口甚大尾下謂底源甚深漢之異肥正在于此明乎此而後知郃水之名當于漢求之何也水經注所指名之郃水乃城南之漢水也舍城南之漢水而求名郃之義不過卽他水之互入者而意度之雖言之成理然是爾雅之所謂肥非爾雅之所謂漢也夫漢者水之潛行地下隨地脉溢而上出者也西徼之星宿海厯下之趵突泉一爲河水所溢一爲濟水所溢其泉或數泓或千百泓皆可以